

Një skandal i vërtetë mund të cilësohet ky lajm, por se është i vërtetë dhe ekziston si fenomen, ku gratë nga Shqipëria e Veriut shiten për 500 euro tek maqedonasit, madje edhe të shkuar në moshë.

Një histori të tillë e ka sjellë në vëmendje gazeta maqedonase "Dnevnik", ku thekson se të moshuar maqedonas marrin gratë shqiptare të reja nga zonat e veriut të Shqipërisë, duke paguar jo shumë para, transmeton Zhurnal.

Bashkëbiseduesit e gazetës tregojnë se njohja me nuset shqiptare bëhet përmes ndërmjetësuesve.

Madje, një fenomen i tillë për shumë persona është shndërruar edhe në një biznes përfitimi material.

Mësohet se në kërkim të nuseve shqiptare, për beqarët maqedonas, janë vënë edhe krerët e komunave.

Një nga ta është kryetari i Komunës Makedonski Brod Milosim Vojneski, i cili thotë se ka kontakte të vazhdueshme me shkues nga Korça.

Ai është i interesuar t'u gjejë nuse rreth 200 beqarëve nga kjo komunë, ku tashmë janë regjistruar rreth 80 martesë me nuse nga Shqipëria.

Madje, shumica e nuseve shqiptare janë të deklaruara si myslimane, por se ata s'e kanë problem kurorëzimin më tej në kishë.

Raste të ngjashme në shtyp janë publikuar edhe më parë, kur nuset shqiptare blihen, jo vetëm nga maqedonasit, por edhe nga serbët, përgjithësisht të shkuar në moshë.